



# ज्वलपा बाह्यो

JWOJALAPA WEEKLY

दैं ७ ल्या: ३४ (पूर्णडक १३६) ने. सं. ११३७ चौलाश्व त्रयोदशि आइतवा: २०७३ चैत २७ गते आइतवार (Apr- 09, 2017)

मू द १- पृष्ठ ६

## चुनावय् बैकल्पिक शक्ति निर्माण यायेगु नितिं बहस

ज्वलपा बा:पौ /

स्थानीय निकायया चुनावय् थःथपिन्सं त्याइगु दावी याना प्रमुख राजनीतिक दलत कांग्रेस, एमाले, माओवादी केन्द्रनिसें राप्रपा तक न्ह्या: वनाच्चंगु दु। थ्व इलय् थ्व प्यंगू राजनीतिक शक्तिपाखें नेपा:या उत्पीडित समुदायया माग सम्बोधन मया:गुनिसें सतक विस्तारपाखें पीडितपिनिगु माग सम्बोधन मया:गु, नेपा:या विविधतायात स्वीकार मया:गुलिं ब्यागलं कथंया राजनीतिक रुपं नेपाली जनतायात बैकल्पिक शक्ति निर्माण यायेमा: धका: बहस सुरु जूगु दु।

नेवा: नापं आदिवासी जनजाति, मधेसीनिसें दलित अले सतक विस्तार पीडितनिसें समानताया पक्षधर, पहिचान

पक्षधरत छप्पं जुया वनेमा:गु अवस्था दु धका: तायेका देय्पन्यं हे स्वतन्त्र रुपं उम्मेदवार बिया बैकल्पिक शक्तिया रुपय् विकास यायेमा: धका: बहस सुरु या:गु दु। स्वनिग: दुने हे स्वयेगु खत धा:सां पहिचान पक्षधर राजनीतिक शक्तिपाखें अले उत्पीडित समुदायया स: थ्वयेका वयाच्चंगुनिसें सतक विस्तारया विरोधय् स: तया वयाच्चंगु राजनीतिक पार्टीपाखें उम्मेदवार बिया नं चुनावय् मत्याइगु अवस्था दुगु विश्लेषणयासें छुं छुं नेवा: नापं जनजाति व बुद्धिजीवीतय्सं उगु कथंया बहस सुरु या:गु ख:।

किपू नगरपालिका, येँ महानगरपालिका, यल महानगर पालिका, ख्वप नगरपालिका, शंखरापुर नगरपालिका,

चन्द्रागिरी नगरपालिका, दक्षिणकाली नगरपालिका, तोखा नगरपालिका, मनोहरा नगर पालिका, बज्रबाराही नगरपालिका लगायतया थासय् स्वतन्त्र रुपं उम्मेदवार बिइपिन्त छगू हे थासय् मुंका: केन्द्रीकृत रुपं नेवा: आदिवासी जनजाति, मधेसी, दलित नापं उत्पीडित समुदाय सतकपीडितनिसें समानताया पक्षधर, जारी जूगु संविधानप्रति असन्तुष्ट प्खंकीगु शक्तिया रुपय् नापं प्रमुख धयाच्चंगु राजनीतिक दलया विकल्पया रुपय् वनेगु कथंया योजना सहित चुनावयात नं आन्दोलनया रुपय् उपयोग याना वनेगु बारे बहस सुरु या:गु ख:। आ: छुं दिं लिपा हे बैकल्पिक शक्तिया सवालय् मूर्त रुप बइ धका: सूत्रं धा:गु दु।



### अनसन च्वना दल व सरकारयात समस्या

स्वनिगलय् थीथी थासय् जुयाच्चंगु सतक विस्तारया विरोधय् उपत्यकाव्यापी सतक विस्तार पीडित संघर्ष समितिया आह्वानय् येँया रत्नपार्क लागाय् बुधवा:निसें रिले अनसन न्ह्या:गु दु। उपत्यकाव्यापी सतक विस्तार पीडित संघर्ष समितिया आह्वानय् येँया रत्नपार्क लागाय् रिले अनसन च्वंगु दु। बुधवा: संघर्ष समितिया नाय: सुमन साय्मिया नेतृत्वय् रिले अनसन च्वंगु ख:।

रिले अनुसन च्वने न्हय: आदिवासी जनजाति मानवअधिकार वकिल समुह लाहुरिपया छयाञ्जे शंकर लिम्बु मूपाहांया थासं अनसन च्वनीपिन्त खादां न्ययेकादीगु ख:। उगु औपचारिक समारोहलय् मूपाहां लिम्बु, पाहापिं नेवा: पत्रकार राष्ट्रिय दबूया केन्द्रीय नाय: श्रीकृष्ण महर्जन, अधिवक्ता टल थामी, अनसनकारी शान्तप्रकाश श्रेष्ठपिन्सं अनसन नापं मागया बारे न्ववानादीगु ख:। मूपाहां लिम्बुलिसें पाहापिं नेवा: पत्रकार राष्ट्रिय दबूया केन्द्रीय नाय: श्रीकृष्ण महर्जन, अधिवक्ता टल थामी, न्वकू शान्तप्रकाश श्रेष्ठलिसें नं राज्य गैर न्यायिक ढंगं जनताया छें थुनेमज्यूगु खँय् व: ब्यूगु ख:। न्हिया न्हिथं स्वनिग:या सतक पीडित लागया स्वीच्यागू थाय्यापिं मनूत पा:पा: याना रिले अनसन च्वनाच्चंगु दु। स्थानीय तहया चुनाव लिक्क थ्यंगु अवस्थाय् आ:या राजनीतिक पार्टीतय्सनिसें सरकारतय्सं तर्क जनताया माग पूरा मया:गुलिं जनतात अनसन च्वनाच्चन धका: सन्देश वनाच्चंगुलिं राजनीति पार्टीतय्त ज्यामछिनाव:गु दु। थ:पिनिगु माग पुरा मजुल धा:सा आमरण अनसन च्वनेगु धा:गु दु।

"Be Smart, Be Good"

### Salient Features

- Grade teaching classes (play-way teaching learning approach) at pre-primary and primary levels.
- Well-equipped biology, chemistry and physics labs.
- Computer lab with internet facility.
- Homely and natural school environment.
- Homely and hygienic hostel facility.
- Regular & Special music, dance, art and sports activities and field trips.
- Separate playground and dining hall for small kids.
- Audio-visual teaching and learning classes.
- Health care facility.
- Art and sculpture promotion program.
- Psycho-social counselling facilities.
- Multi-sport facilities and children park (future plan).



## Admission Open Play Group to Class VIII

**RARAHIL  
MEMORIAL SCHOOL**

राराहिल मेमोरियल स्कूल

Kirtipur, Kathmandu, Nepal

Ph. no.: 014-330121, 4331248, 4331249

Email: rarahil@mail.com.np

Website: www.rarahil.edu.np

100% Successful Result with Remarkable Distinction since 2003





## ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

### सम्पादकिय

## चुनाव व उम्मेदवार घोषणाया सवाल

स्थानीय तहया चुनाव वइगु बैशाख ३१ गते यायेगु खःसा आः मुक्कं याना लच्छि जक ल्यंदनि । चुनावया ई लिक्क थ्यंगु जूसां नं जनताया दथुइ धाःसा चुनावया सवालया खास हे चासोया विषय जुयाच्वंगु मदुनि । राजनीतिक पार्टीया नेता व कार्यकर्तातय्गु दथुइ धाःसा तिव्र रुपं बहस व उम्मेदवार जुइपिं धकाः आर्विनसैं हे लविड यायेगु सुरु जुइ धुंक्कू दु । उलि जक मखु स्वघोषित रुपं हे उम्मेदवार धकाः घोषणा याना जुइगु ज्या नं मदिकक हे जुयाच्वंगु दु । अझ सामाजिक संजालया ला किपाः नापं तया प्रचारप्रसार यायेगु ज्या जुयाच्वंगु दु । पार्टी टिकट मविउनिगु अवस्थाय नं स्वघोषित उम्मेदवार धाःसा जुयाच्वंगु दु ।

लच्छि न्हयः आधिकारीक रुपं छुं नं राजनीतिक पार्टी स्थानीय नेता जुइपिं धकाः उम्मेदवार घोषणा याये फयाच्वंगु मदुनि । अथे चुनावया नितिं मन्त्र ब्वने थें न्ववानादीपिं नेतातय्गु पार्टीपाखें हे चुनावया नितिं उम्मेदवार घोषणा याये मफयाच्वंगुया मूल कारण धइगु कि चुनावय दनीपिं अप्वः मनूत दया जुइफु ? कि चुनाव हे जुइला कि मजुइ धकाः न्हयसःचिं ब्वलना जुइफु कि मेपिन्सं विइपिं उम्मेदवारया तुलनाय थपिन्सं बांलाःमह व लोकप्रिया उम्मेदवार बिइगु नितिं धकाः पियाच्वंगु जुइफु ।

घोषित मितिइ चुनाव यायेगु व चुनाव जुइ धकाः प्रमुख दलया प्रमुख नेतातय्सं सार्वजनिक रुपं अभिव्यक्ति बिया वयाच्वंगु जूसां नं प्रधानमन्त्री प्रचण्ड स्वयं हे प्रमुख प्रतिपक्ष व असन्तुष्ट पक्ष संघीय गठबन्धनयात स्वीकार जुइगु कथंया संविधान संशोधनया न्हूगु प्रस्ताव संसदय यंकाः पारित यायेगु जुइ धकाः धायेगु यानाच्वंगु दु । थुगु कथंया अवस्थायत स्वल धाःसा चुनावया बारे अझ नं पूर्ण रुपं हे अन्यौलता चीकेगु ज्या धाःसा जुयाच्वंगु खने मदुनि धाःसां छुं पाइमखु ।

### गजल शौरभ शाक्यया

गजल-२६



सुइतं अन्याःजूगु खनकिं सहयाये मफु जि हिनुलि हि क्वाकः सनकिं सहयाये मफु जि । दुःख, पीर, स्या जीवनय सुयाजक मदइथें सुनानं थःगु स्या दुःख कनकिं सहयाये मफु जि । आज्जु ताखय एकसुरं वना च्वनानं लँय लँय वं वं लँ तनकिं सहयाये मफु जि । देशया भिं छिगुनं जिगुनं मनसुवा खः देशद्रोही पंग थनकिं सहयाये मफु जि । सौरभ जुया ह्वले नस्वाःदेय न्यंक फतले सुनां मनिंक भीत पनकिं सहयाये मफु जि ।

## धार्मिक व वैज्ञानिक विश्व दृष्टिकोण



### —पूर्ण ताम्राकार

धार्मिक व वैज्ञानिक विश्व दृष्टिकोणया दथुइ दुगु भिन्नता सीकेया नितिं निगुलिं विश्व दृष्टिकोण गुकथं उत्पत्ति जुल धयागु खँ सीके बहःजू । धात्ये ला मानव समाजया विकासया नाप नापं हे थीथी विचार व दर्शनयागु नं विकास जुल । अले धार्मिक व वैज्ञानिक विश्व दृष्टिकोण नं उकथं हे विकास जूगु दर्शन खः । अपिं निगुलिं विश्व दृष्टिकोणया उत्पत्ति गुकथं जुल धयागु खँ थुइकेया नितिं न्हापां मानव समाजया उत्पत्ति व विकासया बारे निं छुं खँ थुइके माः ।

#### मानव समाजया उत्पत्तिः—

मानव समाज सृष्टि जुइ न्हयःया ई न्हापा मानव समाजया उत्पत्ति गुकथं जुल धयागु खँय कयाः तसकं हे वादविवाद जुया वया च्वंगु दु । थुकिया बारे कयाः मुख्य ला निगू मत पिदंगु दु । छगू धार्मिक सा मेगु वैज्ञानिक मत खः ।

धार्मिक विश्व दृष्टिकोण कथं धवं हे पृथ्वी व मनूया सृष्टि याःगु धकाः धाइ । अले द्यःया कृपां हे मानव समाजया वुलहुं विकास जूगु खः धकाः धया वया च्वंगु दु । तर थ्व धार्मिक विश्व दृष्टिकोणयात वैज्ञानिक विश्व दृष्टिकोणय विश्वास याइपिं मनूतय्सं संगू हाकः हे विश्वास मयाःगु जक मखु कि इलय ब्यलय उगु दर्शनया आगं प्वलाः विरोध नं यायां वया च्वंगु दु । अथे विरोध यायेमाःगुया मू कारण हे धार्मिक विश्व दृष्टिकोण वैज्ञानिक तथ्य व प्रमाण नाप छुं कथं हे पायछि मज्जु खः । उकिं शुरुइ वैज्ञानिकतय्सं दकले अप्वः धार्मिक विश्व दृष्टिकोणया विरोध यायां वया च्वंगु खः ।

युरोपया नां दंम्ह वैज्ञानिक चार्ल्स डार्विनया क्रम विकासया सिद्धान्त (Theory of evolution) कथं पृथ्वी न्हापां जीवात्माया शुरुवात छगू जक कोष (Cell) दुम्ह मिसाम्ह अभिवापाखें जूगु खः । अथे जूगु थौं स्वयाः ५७ करोड दँ न्हयः जूगु अनुमान याःगु दु । ४५ करोड दँ न्हयः तक्कया दुने खासाथें याःपिं बँय् मदुपिं लखय जक च्वनीपिं जीवात्माया विकास जुल । वयां लिपा ३४ करोड ५० लाख दँय लखं समुद्रय च्वनीपिं प्राणीया विकास जुल । अनं लिपा ३० करोड दँ न्हयः लखय व बँय नं च्वनाः म्वाये फुपिं गोही, काँयडा व ब्यांघात खने दया वल । थुकथं २० करोड दँ न्हयःया इलय दुने बँय च्वनीपिं जीवात्मात ब्ये फुपिं जीवात्माय हिल । अले बँय जक च्वनाः

म्वाये फुपिं जन्तु मध्यय न्हापां ततःधीपिं सर्प, म्हालकाँयघात खने दत । अथे जूगु थौं स्वयाः १६ करोड दँ न्हयः जूगु धकाः अनुमान याःगु दु । अले थुपिं प्राणीतयके नये वा बुया वल । थनिं १० करोड दँ न्हयःया इलय पशुत मध्यय छथः भंगः पछिखय हिला वन । ल्यंदुपिं जंगली पशुया रुपय तुं कायम जुल । क्रमिक विकास जुजुं थनिं ६ करोड दँ न्हयः स्तनधारी प्राणीया विकास जुल । थुबलय निसैं पशुतय्सं खँ मथ्वकूसे छक्कल मचा हे थ्वकेगु यात । अले मचायात मांम्हं दुरु त्वंकेगु यात । थ्व हे भोलय थनिं ५ करोड दँ न्हयः पशुत हानं निथ्वलय कुचा दल । छथः सिमाय गये सःपिं, मेपिं खालि प्यपां जक चुइपिं, सिमाय गये मसःपिं । हाकनं ४ करोड दँ न्हयः सिमाय च्वनाः म्वाइपिं जन्तुइ नं निथ्वः दल । थ्व हे इलय माकः व मेपिं पशुतय दथुइ हिलासु वःगु धयागु अनुमान दु । उकथं हे क्रमिक विकास जुजुं माकः व बँ-मनू (चिंपाञ्जी, गोरिल्ला जातया मनूया विकास जुल । थथे जूगु थनिं ३ करोड ५० लाख दँया दथुइ जुइ धयागु वैज्ञानिकतय्गु विश्वास दु । अन्त्य बँ मनूखं हे थौया मानवया विकास जुल ।

मनूतय व पूर्वजत थौं स्वयां ५० निसैं ७० लाख दँ न्हयः दकले न्हापां मानव जाति अफ्रिकाय निपा तुतिं चुया न्यासि वनेगु याःपिं अष्ट्रालोपिथकेसया लुसि प्रजातिया मानवया विकास जुल । थथेहे २० निसैं ३० लाख दँ न्हयः थौया प्रजातिया मानव त्वहँया ज्याभः छेलेगु याःगु खःसा १३ लाख दँ न्हयः अफ्रिकां मानव जाति एशियाय वनेगु यात । अथेहे ८ लाख दँ न्हयः अफ्रिकां यूरोप वनेगु याःगु व उबले हे मी च्याकेगु शिकार यायेगु, व मह खंगःया भाषा छथले सयेकूगु खने दु । थ्व हे क्रमय ४ लाख ६५ दँ न्हयो फ्रान्सय नयेगु व मी कुइत मी छयःगु तथ्य लुइकुगु दु । अथे थौया व पूर्वज मनूतय्गु बारे कयाः डार्विन थःगु विचाः थुकथं प्वकूगु दु-‘भी पुर्खातय मह छम्ह सँ हे सँ दु, इमिके दादी व तपाःगु न्हायपं दु, इपिं हूल हूल मुनाः सिमाय च्वनीपिं खः ।’ वैज्ञानिक विश्व दृष्टिकोण पृथ्वी मनूया सृष्टि कथं जूगु धकाः ब्याख्या याइ ।

#### धर्मोदय जुइ न्हयःया ई : -

ईसा पूर्व १० लाख दँ न्हयः मनूत गुफाय च्वनेगु याये धुंकाः लिपा जंगलय च्वनेगु याना हल । अननिसैं जंगली युग शुरु जुइ । ईसा पूर्व ४० दँनिसैं १५ दँ दथुइ उबलयया मनूतय्सं त्वहँ चुलाः ल्वाभः दयेकल । त्वहँ नाप सँस मनूतय्सं मिया नं आविष्कार यात । मिया आविष्कार हे उगु युगया दकलय तःधंगु उपलब्धि धाये माः । मिया आविष्कार जुसानिसैं मनूतय्सं कचिगु ला छुयाः नये सयेकल । अथे हे चिकुलां मि पनाः प्रकृतिनाप ल्वाये नं फत । अयसां थःगु जीवन निर्वाहया नितिं हे अप्वः ई संघर्षय फुके माःगुलिं उबलय मनूतय्सं मेगु छुं विचाः याये मफु । उकिं मानव

समाज प्रगतिया नितिं सुना नं छुं याये मफु । थ्व इलय तक्क मानव समाजया उत्पत्ति जक्क मज्जु मखुसे धार्मिक विश्वासया जन्म नं मज्जुनि । थुबले तक्क धर्म, धर्मशास्त्र व द्यःया कल्पना व परिभाषा तक्क मनूतय्सं मस्युनि । अझ ला धर्म धयागु छुं खः, थ्व गथे जुइ माः धयागु जां तक्क नं उबलय मनूतयके मदुनि । उबलय तक्क जंगली जनावर स्यानाः इमिगु ला व सिमाय सइगु सिसाबुसा नयाः जीवन निर्वाह यायेगुलिइ जक मनूतयगु ज्या-खँ लिक्नु च्वन । मानव समाजया उत्पत्ति मज्जुलिं उबलयया मनूतय स्थायी बस्ति नं मदु । गन लात अन हे च्वनेगु व द्यनेगु यानाः जीवन छोया च्वंगुलिं थ्व युगयात फिरन्ते युग धकाः नं धाइ ।

#### धर्मोदयया ई :

ई वना च्वन । मनूत नं थः म्वायेगु क्रमय प्रकृति नाप संघर्ष यायां वना च्वन । जुजुं जंगली जनावर स्यानाः इमिगु ला व सिसाबुसा नयाः म्वायेत मनूतयत थाक्या वल । छायाधःसा छथे जंगली जनावरत धमाधम मह जुया वन धाःसा मेखे मिया आविष्कार जुसां निसैं मनूत च्वंगु थासं ता ताः पाक्क जंगली जनावर त विस्युं वनेगु यात । गुकिं यानाः मनूतयत म्वायेत धौ धौ जुया वल । अले म्वायेया नितिं मनूतय्सं सा-मे, च्वलयचा लहीगु यात । अथे हे त्वहँया नापं नया ज्याभः व ल्वाभः नं दयेके सयेकल । गुकिं यानाः लिपा बुँज्या नं सयेकेत तिवः जू वन । वयां लिपा मनूतय्सं बुँज्या नं याये सयेकल । थ्व हे इलय कपाय्या बुँज्या नं याये सयेकल । कपाय्या उत्पादन जुसैलि मनूतय्सं लँ सुइगु सयेका हल । थुबलय निसैं मनूतयके वसः तीगुया नाप नापं थःगु मह बांलाक छथे पियेगुलिइ न चेतना दया वल । थ्व हे इलय छँ दयेकेगु ज्या नं मनूतय्सं सयेकल । थुबलय निसैं हे खुसिया ससःतिगु थासय बल्वा छँ दयेकाः मनूत च्वनेगु यात । जुजुं पुचः पुचः मनूत मुनाः छँ ज्या, बुँ ज्या व पशुपालन यायेगु यात । थुकथं मनूतयके सहकारि ता व सामुहिकताया भावनां थाय काल । गुकिं यानाः लिपा मानव समाजया उत्पत्ति जुल । सामुहिक कथं नये त्वनेगु व च्वनेगु व्यवस्था लिपा गांया जन्म जुल । अले गामय थी थी पेशाया ज्या याइपिं मनूतयगु कार्य विभाजन जुल । लिपा वनाः इहिपा यायेगु, मनू सित धाःसा सीम्हयात गाः म्हुया गालय थुना छोयेगु वा मी उना छोयेगु नं याना हल । थुकथं हे मनूतयगु परिवार विकासया नाप नापं सामाजिक जीवनया विकास नं जुजुं वन । अयसां मनूतयके प्रकृति या बारे छुं जां मदु । प्रकृति परिवर्तन गुकथं जुइ धयागु खँ छुं मस्यु । उबलय तक्कया मनूत छगू कथं प्रकृति या दासी जुयाच्वन । उकिं थ्व इलय समाज वा गांया नायः वा थकालि जुया च्वीपिंसं थपिनिगु स्वार्थ पूर्तिया नितिं साधारण मनूतयत काल्पनिक द्यःया बारे अनेक भ्रम वीगु शुरु यात ।

क्रमश .....



## गुक्व:गु सहिद स्मृति कप ब्याडमिन्टन न्ह्यानाच्चन



**ज्वजलपा वा:पौ /**

युवा खेलकुद समूह किपूया ग्वसालय् वंगु २० गते शहिद दिवसया लसताय् वंगु चैत्र १९ गतेनिसं न्ह्या:गु गुक्व:गु सहिद स्मृति कप ब्याडमिन्टन न्ह्यानाच्चंगु दु। चैत्र १९ गते शनिवा: जूगु उद्घाटन कासाय् रविन शाक्य व अन्जय मानन्धर या जोडीं मीमकुमार महर्जन व सुरेश प्रधानया जोडीयात सोभो सेट बुकूगु ख:। अथे हे २०

गते आइतवा: जूगु कासाय् काजी कार्की/सन्तोष श्रेष्ठया जोडीं लक्ष्मी प्रसाद महर्जन/रामेश्वर महर्जनया जोडीयात बुकल। महेश खड्का व राजन केसीया जोडीं हरिगोपाल महर्जन व कवि कपालीया जोडीयात सोभो सेटय् बुकल अथे हे २१ गते सोमवा: जूगु कासाय् सिंहमान महर्जन व विविशेन महर्जनया जोडीयात वाक ओभर दत।

चैत्र २२ गते मंगलवा: जूगु कासाय् रडिप महर्जन व श्याम महर्जनया जोडीं अन्जय मानन्धर व रविन शाक्यया जोडीयात बुकल, अथे हे पुष्प खड्का व अजय पाण्डेको जोडीं नविन महर्जन व श्याम महर्जनया जोडीयात बुकेत ता:लात।

चैत्र २३ गते बुधवा: जूगु कासाय् कृष्ण वहादुर डंगोल व रमेश डंगोलया जोडीं

शोखराज डंगोल व बुद्ध डंगोलया जोडीयात २१-१४ व २१-१५ ल्याख् बुकल।

अथे हे राजेन्द्र श्रेष्ठ व केशकुमार महर्जनया जोडीं उज्ज्वल महर्जन व शान्त महर्जनया जोडीयात २१-५ व २१-९या सोभो सेट बुकेत ता:लात।

चैत्र २४ गते बिहिवा: जूगु कासाय् राजेन्द्र श्रेष्ठ व केशकुमार महर्जनया जोडीं लक्ष्मीभक्त महर्जन व शंकर महर्जनया जोडीयात २१-१९, १६-२१ व २१-१९ ल्याख् बुका: क्वाटर फाइनलय् थ्यंगु दु।

युवा खेलकुद समूह कीर्तिपुरया ग्वसालय् न्ह्यानाच्चंगु ब्याडमिन्टन प्रतियोगिता शुक्रवा: नं जुल।

शुक्रवा:या कासाय् राजु महर्जन व दयाराम डंगोलया जोडीं राजन केसी व महेश खड्काया जोडीयात २१-१४ व २१-१२ ल्याख्, चन्दन महर्जन व राजमान महर्जनया जोडीं अष्ट महर्जन व बद्रि गौतमयात २१-१० व २१-०९ ल्याख् बुका: क्वाटर फाइनलय् दुत्यंगु दु।

## नेपाली कांग्रेस किपू नगर समिति उम्मेदवारया नां सिफारिस यात

**ज्वजलपा वा:पौ**

वङ्गु २०७४ साल वैशाख ३१ गते जुइ ध्या:त:गु स्थानीय तह चुनावया निति उम्मेदवार ल्यय्गु ख्यै फुक्क धइथें त:धंगु पार्टीत स्वयात टिकट बिइगु धइगु ख्यै दुनें दुनें सहलह यानां च्वंगु दु। पिने नां पितमव्यूनि। थ्व ख्यै नेपाली कांग्रेस मेपिं स्वया: छपला न्ह्य:ने ला:गु दु।

जिमित व:गु जानकारी कथं नेपाली कांग्रेस नगर समितिया बैठक मेयर व वडाध्यक्षया निति नां सिफारिस याना क्षेत्रिय समितिइ छव:गु दु। गुगु थुकथं दु।

प्रमुख उम्मेदवारय् राजकुमार नक:मि, बन्नीलाल महर्जन, राम मान सिंह, पुकार महर्जन व कृष्णमान डंगोल वडाध्यक्ष उम्मेदवारया निति वडा नं.१ हिरालाल महर्जन, इच्छा महर्जन, हरेराम महर्जन नापं न्हय्मसिया नां सिफारिस याना छव:गु दु।

वडा नं.२ अस्त महर्जन

वडा नं.३ दिनेश महर्जन, सुविन्द्र महर्जन व रमेश मानन्धर

वडा नं. ४ राजेन्द्र बानियाँ, विजु खड्का, कालु भाइ खड्का, प्रदिप विष्ट

वडा नं. ५ गुजय सिंह, हिमाल कार्की, राजेन्द्र महर्जन व विश्वजीत महर्जन

वडा नं. ६ धिरज डंगोल, नानीराम खत्री व केदार महर्जन

वडा नं. ७ दिवाकर अधिकारी

वडा नं. ८ विनोद महर्जन, नरेन्द्र श्रेष्ठ व प्रमेश महर्जन

वडा नं. ९ रेणुलाल महर्जन, अस्त वहादुर महर्जन, जितेन्द्र महर्जन

वडा नं.१० नरेश महर्जन

क्षेत्रीय समिति, जिल्ला समितिं ल्ययाह:म्ह उम्मेदवारयात नगर समिति सहर्ष स्वीकार याइ धा:गु दु।

WE ARE OPEN FOR  
**ADMISSION**



**Innovative  
Preschool  
2017**  
"A Gateway to Excellence"

- # Small Class Size
- # Wide and Varied Curriculum
- # Trained Teachers and Professionals
- # Spacious Location
- # Library
- # Earthquake Resistant Building

**Age 2+, 3+, 4+ Group**

**Contact: Panga, Pragati Path, Karki tole  
Ph: 014334117, 9841301858**

**ADMISSION OPEN !!!**

**Bagh Bhairab  
Boarding High School**  
proudly announces  
admission open for  
**Play Group (PG)  
to Grade VIII**

For more details, please contact;



**BAGH BHAIRAB  
BOARDING HIGH SCHOOL**  
Panga-dobato, Nayabazar, Kirtipur 17  
Tel. 014330141, Mo. 9841292969  
Email: baghbhairabbhs@gmail.com



## सनिवाः किपूया थी थी स्कूलया अभिभावक ज्याभवः

शैक्षिक सत्र २०७३ क्वचाया शैक्षिक सत्र २०७४ या न्हूगु शैक्षिक सत्र सुरु जुइत्यंगु इलय् स्कूलतसें थःथःगु स्कूलय् अभिभावक दिवस या दैमुज्याया नामय् म्हिगः सनिवाः ज्याभवः याःगु दु ।

किपुलिइ संचालन जुयाच्वंगु थीथी स्कूलपाखें थःथःपिनिगु अभिभावक दिवस यायेगु नाप नाप स्कूलया प्रचारात्मक ज्या यायेगु कथं अभियान हे न्ह्याकेगु ज्या याःगु खने दु ।



थगुनेतिनि चायेकूगु धःपाया स्टार मन्टेश्वरी प्रि-स्कूल म्हिगः सनिवाः छगू ज्याभवः यासैं न्हापांगु दै मुज्या ग्वसा ग्वल । उगु दै मुज्याया मूपाहाँ जनसेवा मा.वि.या प्राचार्य नन्द कुमारी महर्जन उले ज्या यानादीगु खः । प्रि-प्राइमरिया मस्तसें थःथम्हं सःसःथे प्याखें हुला क्यंवेले अभिभावकपिं मख्ख जुयादीगु खः ।



किपूया न्हवजारय् च्वंगु मंगल मा.वि. नं पूर्व प्राथमिक कक्ष पास जूपिं विद्यार्थीपिन्त दिक्षित यायेत भिक्वःगु दिक्षान्त समारोहया आयोजना यात । विद्याय व्यवस्थापन समितिया नायो अमन महर्जनया सभानायोसुइ जूगु उगु ज्याभव मूपाहाँ किपू नगरपालिकाया वरिष्ठ लेखा अधिकृत सानुबाबु परिवारं त्वारवालय् मत च्याकाः उलेज्या यानादीगु खः । ३७ स्वीन्हय्मह विद्यार्थीपिं दिक्षित जूगु खः ।



किपूया नांजाःगु स्कूल सेमरक सिम्रिक नं कृष्ण क्याटरिंग हलय् दैमुज्या यात । स्कूलया प्रिन्सिपल व स्वम्ह मस्तसें प्यंगू त्वारवालय् मत च्याकाः उलेज्या याःगु खः । कृष्ण क्याटरिंगया हलय् खचाखच अभिभावकपिं दुगु थासय् थी थी तपिंया मस्तसें प्याखें हुला क्यंगु खः । म्येनं हाला न्यंकूगु खः । दकलय् लिपा सिनियर के.जी. पास जूपिं मस्ततय् दिक्षान्त याःगु खः ।

## कीर्तिपुर बजार व्यवस्थापन समितिया स्वक्वःगु साधारसभा



कीर्तिपुर बजार व्यवस्थापन समिति तःदै न्ह्यःनिसैं निस्क्रिय जुयाच्वंगु दु । तःदै न्ह्यःनिसैं साधारण सभा हे याये मफया च्वंगु अवस्थाय् हानं न्हूकथं जः दयेकेगु व पुर्लापिं जःपिनिगु नविकरण याना आः बांलाक चलय् यायेत साधारणसभा याःगु खः ।

म्हिगः चैत्र २६ गते सनिवाः वःखुइ ख्यःभय्या ग्वसा ग्वःया स्वक्वःगु साधारण सभा याःगु खः । पुर्लाह नायो धर्म महर्जनया नायोसुइ जूगु उद्घाटन सत्रय् मूपाहाँ किपू नगरपालिकाया वरिष्ठ लेखा अधिकृत सानुबाबु परिवारं त्वारवालय् मत च्याकाः उद्घाटन यानादीगु खः ।

ज्याभवःया उलेज्या यानादिसैं वयकलं किपू बजार व्यवस्थापन जक मखु आःला उद्योग वाणिज्य संघ हे चायेके माःगु आवश्यकता दु धयादिल । छुं नं बजार बांलाक व्यवस्थापन यायेत संगठनया आवश्यकता दु । संगठन दुसा व्यवसायितय्त वइगु हरेक समस्याया समाधान यायेत मंकाः खँलावल्हा याना अपुइगु खँ कनादिल ।

## किपू महिला संजालं खुल्ला बजारया उलेज्या यात

ज्वजलपा वाःपौ /

किपू नगरपालिका दुनेया ८० चयंगु मिसा पुचःपिनिगु मंकाः संस्था किपू महिला संजालं थीथी इलय् थीथी कथंया घरेलु उद्योगया तालिम बिया वयाच्वंगु दु । वहे उत्पादन जूगु सामानत गन मिइगु गन मिइगु बजार मदु । बजार मदयाः थःपिन्सं दयेकागु सामानत अथें लानाच्वंगु अवस्थाय् उगु सामानत मिइगु व प्रवर्द्धन यायेगु तातुना म्हिगः सनिवाः किपूया लाय्कू त्वालय् खुल्ला बजारया उलेज्या यात ।

उगु उलेज्या भवलय् चिकिचाधंगु ज्याभवः यात । किपू महिला संजालया नायो शुभलक्ष्मी शाक्य (सुनितां) न्ह्याकूगु उगु ज्याभवलय् जनसेवा मा.वि.या प्राचार्य नन्द कुमारी महर्जन, मानव अधिकार वादी शोभा महर्जन शाक्य, संस्कृतिविद प्रयाग मान प्रधान, देय् गुथि नायः रामबहादुर महर्जन, ज्यापु महागुथि किपू नगरसमितिया नायो नजरराम महर्जन, नागरिक समाजया संयोजक प्रा.डा. शिवशरण महर्जन व लाय्कू त्वाः सुधार समितिया नायो हर्ष महर्जन, होमनेत नेपालया नायो चन्द्रमाया महर्जन, पाँगा महिला बचत तथा ऋण सहकारी संस्थाया नायो वीणा महर्जनपिं पाहाँकथं भायादीगु खः । सुथसिया ७ निसैं ११ ताः ईतक बजार चायेकूगु खः ।





## साहित्य उपन्यास - जन्ति न्यात

चमि- मदन गोपाल प्रधान “क्वा:घासा”

२

कथहं ....

भचा बिचा: याना: भाजु फ्रेन्चं छयं क्वा क्वां धाल, “छिगु आम खँ बिचा: याये बह:गु खँ ख: । थुकिइ जित: छुं धाये थाय् मद्दु । तर छिं न्हाच: नेपोलियनयान्हाय् मन्त धाये थें धका: धयाचूगु खँ जिं मथुल ।”

“वाटलूलय् नेपोलियन बुसैलि वया न्हाय् नं मन्त । खँ थुलि हे ।” श्रीं धाल ।

“नेपोलियनया न्हाय् गयजुया मदइ ? त्वासैलि त्याइ कि बुइ । व खँ मेगु हे का । हानं छिं मस्युगु नं ला खेमखु नेपोलियनया पराक्रम र वाटलूलय् बुइवं नेपोलियनं न्हापा मेपिन्त बुकुगु खा छु अस्तितव हिनगु जुइला ?” फ्रेन्च मयजुं धाल ।

“व हे ला जिं नं धयागु । किपूमितय न्हाय् गयजुया मन्त ?”

“अं धाथें, छिं न्हाच: अर्थ खतं पाय्छि जुइक भाय् हीका त:गु जक ख: धका: छु धयादिइत्यनागु ?” फ्रेन्च भाजुं धाल ।

“बूम्हेसिया न्हाय् ध्यन, वन, चात आदि धायेगु जिमिगु चलन ख: । जिमिगु भाय्लय् छयलिइगु बाक्यांश ख: । “न्हाय् ध्यन” यात शाब्दिक अर्थखतं व इतिहासकार भाजुं च्या बिल । अले हानं न्हाय् ध्यसैलि गुलि दुलय् धका: क्यना: थ:गु खँयात क्वातुगु तेवा बिये भनं थुलिउलि दु धका: बर्कफुस्लुगु कल्पनाय् ब्या: च्वंगु जक ख: ।”

फ्रेन्च भाजु व मयजु निम्हसिनं छयं ल्हुकु ल्हुकु संका: वं वयागु वं वयागु ख्वा: स्वया: मुसुं न्हिला श्रीया धापुतिइ तर्क जक जा:गु मखुसे ब्यावहारिक खतं नं पाय्छि जू धयाथें मतिइ तया: निम्हतिपूनं सुंक चवन । सखे इतिहासय् गनं छाय्पवाय् याये मा:गु नं इमिसं तायेकल जुइ । तर थ्व ज्या इतिहासकारया ख: । इपिं इतिहासकारत मखु ।

हानं छक: प्लेनया लाउडस्परकरया स: थ्वल “घौ पलखमय् भीपिं त्रिभुवन अन्तर्राष्ट्रिय विमान स्थलय् जुइ त्यनागु दु । चुरट भपिया दिइमते । पेटि चिनां दिसं । सुभाय् !”

श्रीं थ:गु नाडी घडीइ स्वल । भिन्छताया जुल । काठमाण्डौं थ्यनेत ताउ म्वाल । भिगु मिनट जक त्यं दनि । दै दै विदेशय् च्वना: लुमंका च्वंगु थ:गु छें थ्यने त्यंगुलिं लसताया बँ तज्यागु मनय् थीथी खँत दासिवयेका: छक: हानं भ्या:पाखे स्वत । तर खसुया सागरय् व्दम्पव काकां न्याना च्वंगु खसुपाय् सिवायतं मेगु छुं खने मद्दु । मिखां खने मद्दुसां मनं थ:गु दे दर्शन याये ब्याकल । भुयुभुयु तुयु तुयु धा:गु खसुपाय् न्यानाच्वंगु स्वयान्तुं च्वन ।

श्रीया मिखा प्रेन्च भाजुया पाखे ब्वल । मुसुक्क न्हिला: व फ्रेन्च भाजुं धाल, “आ:ला थ्यनिन थें च्वं । प्लेन घुसुनं क्वसित ।”

समुद्रय् त्वयल न्या लुपुक्क लखं पिने वये थें श्री च्वनाव:गु प्लेन खसुया समुन्द्र स्वात क्वतासिइवं गाम्बलं त्वपुया: त:गु ख्वा: उलेथें चककं खने दत नेपा: दे । स्व: स्व: थाय् गुँइ गुँ । गुँया उखे थुखे खाखी पुच: थें छेंया पुच:त । गुँयात ल्वय्क बुँया तगित । तगिया नं क्वय् गालय् गुँया प्वथय नागवेलि का:गु खुसि । खुसिइ धा:सा ल: मद्दु जकधाये मज्यू ।

श्रीया मिखा प्लेनया भ्यालं पिने उखे थुखे ब्वल । प्लेन न्यानावं च्वन । नेपा: गा:या हाक: गुँया दुनय् थ: थ्यने धुंकुगु वं चायेकल । छाय्धा:सा स्वयम्भू व पशुपति महाद्य:या दर्शन दत । आ: विमान स्थलय् जुइ जक मानि । का धाथें, जुइ हे त्यन । प्लेनया ल्यूने च्वंगु घ:चालं बँय् थिल । श्रीं थ: च्वना: व:गु प्लेन रन वयलय् मोटर ब्याय् वना: चवंगु खन । स्व स्वँ हे प्लेन दित ।

प्लेन दुनय् तिकं तांक पेटि त्व:तुगु स: ताये दत । मनूतनं उसिं आसिं संगु खने दत । थ:थ:गु बाय्ग ल्हातिइ य:खाया प्लेनय् च्विपिं सकलें छसिखतं न्याना च्वन । लुखाया छखेरिखे च्वनां न्ह्यू ख्वा: लुया विन्ति याना च्वंम्ह हिसिचा दुम्ह एअर होप्तेस पाखें मिखा ब्वयेका: सुभाय् बिये भनं मुसक्क न्हिला श्री नं प्लेन पिने वन ।

□

कथहं.....

हलिं नेवा: गुथि किपू कचां किपुली या:गु

“भिके-ल्ट्वने-न्हूधा: यायेनु”छयों तया चिनाखँ गोप्ठी ब्वंगु चिनाखँ छसिकथं

पिकया वनेगु तातुना थ्व चिनाखँ न्ह्यब्वयागु ख:

## ३२.पुनर्निर्माण याये वा

बाबुकाजी सुवाल ‘विकेश निराशी’

भौखेल, भक्तपुर

वातानुकूलित महलय् म्वानाच्विपिसं,

पुस माघया ख्वाउँसे च्वंका: च्वापु गा:थाय्

भ्वाथ:गु पालया दुने भांग्रां न्याया:

जि गथे म्वाना: च्वना धइगु, छं छु स्यू ?

छपेय् ढिंडोयात खबिनापं बुला,

ध्वगीगु हे जूसां छमना जाकि

काये खनिला धइगु आशं, छ वयागु लैय्

न्हि बिका: पियाच्वना, छंत जिं ।

आश काकां हे वनीगु जुल छम्हु सास:

ध्यवा: म्वाल वरु, दयेका ब्यू छगू बास

तास हे म्वा:ल जित, छेंय् था:गु जूसां ज्यू

तियेकि छजु वस: चिकुला छगु ला वनी ।

वाफय, धाकु फय् वल कि, दने खनीगु मखु

प्याथय् पित्याना: आँति गंसां, नये खनिगु मखु

छघुतु जूसां शुद्धगु ल, जित त्वंका ब्यू

पित्या: प्याचा: छंगु थेंतु ख:, याकनं लंका: ब्यू ।

छ हे जिम्ह अभिभावक, जित सुरक्षा ब्यू

नापं म्वाये नापं सिये, पा:फयाब्यू

जि हे दुने धाल धा:सा, छ जक छु म्वाइ ?

जिगु छयनय् चलखं (पहिरो) ल्हाइन, याकनं चीका: ब्यू ।

त:जागु महल मा:गु मद्दु, पक्वचा दुसां ज्यू

प्रकोपं मद्दुनेमा: म्वाये खंका याउँका:

धुक्क जुया: याउँका च्वनेगु ब्यू छकू थाय्

मसीतले छिंका याउँकाब्यू सास: ल्हाय् ।

कन्हे कन्हे धाधां हे, दै दै बिनावन

पाल दक्वं गुनावन, जस्ता खँतिं नल

न्याक्कं हे लिवात, पुनर्निर्माण याये वा ।

भ्रष्ट बिचा: त्व:ताछ्वया: न्हूगु निर्माण यायेवा ।

## ३३.त:भुखाय् ब्वया: दुनाच्वगु छेंयात बांलाक ल्ट्वने

देव आनन्द महर्जन

लाय्कू, किपू

भ्वखाय् खना: ग्यानाजूपिं

नेपा:या नेपा:मित

आ: नं भ्वखाय् खना: ग्या:निला ?

ग्यायेम्वा: भीथाय् भ्वखाय् मब्ब:गु गुवले जक

दु धका:

भ्वखाय्नापं त्वायेत हे भीपिं जन्म जुयापिं

आ:खुन्हु दयेकेनु बल्लाक धिसिलाक

छेंयात जगनिसें

न्ह्याथें जा:गु भ्वखाय् ब्व:सां

थनेनु दनेनु क्व:मदयेक छेंयात

छेंयागु भिखातक नं मसंक

छेंयागु बँतक नं मसंक

दनेनु आ:यागु छेंयात

ग्याना: जुयामखु हाला: जुयामखु

भ्वखाय् ब्व:सां छुं मजुइक ल्ट्वनेनु

भ्वखाय् नापं हाला: मखु त्वाना: हे छें च्वनेनु ।

भ्वखाय् नापं सना: मखु ख्याना: हे छेंय् मुनेनुं

।

हलिमय् भ्वखाय् मब्ब:गु गन जक दु

भ्वखाय् गरीव मजूपिं मनूत गन जक मद्दु

गरीव धइगु हे समस्या ख:

गरीव धइगु हे अभाव ख:

भ्वखाय्यागु छुं ज्ञान कया: बास छें दयेके नु

भ्यातुगु छुं ज्वलं दुसा क्वथाय् मसंक तये नु

भ्वखाय् अन्याय यात धा:सा मा:गु ज्वलं

मुंकेगु ।

तपाईको टोलमा भएका घटना कीर्तिपुरको समाचार बनाउने  
हो भने तपाई एक कल फोन गर्नुस् हामी तपाईको टोलको  
समाचार कीर्तिपुरको समाचार बनाईदिनेछौं

## कीर्तिपुर सन्देश साप्ताहिक



कीर्तिपुरको चित्रण

किपुलिं पिदनाच्वंगु कीर्तिपुर सन्देश वा:पौ व ज्वज्वलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३  
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखँ/हाइकू विज्ञापन  
व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७,  
९८०८६२६४२० ई-मेल : kirtipur\_sandesh@live.com

## पाँगा सामुदायिक पुस्तकालयया उलेज्या जुल



ज्वजलपा वा:पौ

पाँगाया नवज्योति आधार भूत स्कूलय् पाँगा सामुदायिक पुस्तकालयया म्हागः शनिवा: छगू ज्याभवः याना उलेज्या यात ।

पुस्तकालयया नायो कृष्ण महर्जनया सभानायोसुइ जूगु उगु ज्याभवःया मूपाहाँ जापानी नागरिक नोबुदा यामाहा, विशेष पाहाँ पुलांमह दिलिप महर्जन, किपू नगरपालिकाया बरिष्ठ लेखा अधिकृत सानुबाबु परियार, जनसेवा व्यवस्थापन समितिना नायो माधव लाल महर्जन, जनसेवाया प्राचार्य नन्द कुमारी महर्जन, जापानी

नागरिक तानिको ताकाकु, पाँगा मा.वि.या संस्थापक प्रिन्सिपल र मेश मान महर्जन, नवज्योति स्कूल व्यवस्थापन समितिना नायो नर हरि महर्जन व ज्येष्ठ नागरिक क्लबया छयाञ्जे अर्जुन महर्जन जुयादीगु खः ।

मूपाहाँ नोबुदा यामाहाँ त्वारवालय् मत च्याका: उलेज्या यानादीगु उगु ज्याभवलय् नवज्योति स्कूलया प्रधानाध्यापक कृष्णमान महर्जन लसकुस न्वचु बियादीगु खः ।

पुस्तकालय संचालक समितिना योगेश सिंह पाँगाय् पुस्तकालयया इतिहास बारे छत्वा:चा खँ कसें

पाँगा सामुदायिक पुस्तकालय छाया चायेके माल धइगु खँ तयादिल ।

वयकलं अज्ञानता यात चिरय् याना ज्ञान फैलय् यायेत पुस्तकालय नं ग्वाहालि याइ धयादिल । अथे हे वयकलं पुस्तकालयया योजना बारे नं न्यथनादिल थुगुसी सफू ब्वनेगु बानियात तिवः विइगु मेगु दैय् किपूया च्वमिपिनिगु व किपुलीं पिदंगु सफूत नं थन तयेगु योजना दुगु खँ कनादिल । पुस्तकालय नं पाँगाय् पंचायतकालय् नं कान्तिया भावना जगय् यायेत तिवः बिउगु खँ कनादिल ।

जनसेवा मा.वि. व्यवस्थापन समितिना नायो माधव लाल महर्जन पुस्तकालयया महत्व बारे खँ कनादिसँ पुस्तकालय चायेकेगु व चलय् यायेगु तसकं थाकुगु खः । पाँगाय् थ्वयां न्हयःनं यक्व पुस्तकालय चायेके धुंकल । अथेखसां थौं छगू पुस्तकालय नं चालु हालतय् मदु । थुगु पुस्तकालय अथे मजुइमा धका: सफलताया भिन्तुना बिया दिल् ।

पुलांमह राज्य मन्त्री दिलिप महर्जन, नन्दकुमारी महर्जन, सानुबाबु परियार नं नुगः खँ तयादीगु खश्च अथे हे पाहाँपिं सकसिनं बोलाक संचालन याना फयेमा धका: भिन्तुना बियादीगु खः ।

छितः स्थानीय नेता, उद्घोषक, वक्ता नापं बोला:मह एफ एम संचालक यायेगु  
**जिमिगु अभियान**

छिगु नितिं मदयेकं मगा:गु

- संचार साक्षरता
- न्वचू कला
- उद्घोषण
- एफ एम संचालन



पत्रकार  
श्रीकृष्ण महर्जन  
चव्यादीगु सफू

**नासः**

उकिया नितिं छिं सफू न्याना ब्वनादिसँ ।

छि थः स्वयम हे सक्षम जुयादिसँ ।

सफूया नितिं फोन ल्या: ४३३३००७,  
९८४१४०१०७७, ९८४१७५२५८३

**sensei**  
Engineered in Japan

अन्तर्राष्ट्रिय स्तरको, राष्ट्रिय मूल्यमा

जुनसुकै ब्राण्डको  
पुरानो TV सँग  
नयाँ Sensei LED  
साटनुहोस्



टि.भी रोजेजस्तो  
मूल्य खोजेजस्तो

पुरानो हैन, नयाँ सँग रमाऔं, नयाँ दिनको नयाँ उमङ्ग,  
**sensei सगै मनाऔं**



यो योजना २०७३ फाल्गुन २० गते बाट सिमित अवधि सम्म मात्र लागू हुनेछ ।

**CG|ELECTRONICS**

Mobiland Electronics Pvt. Ltd., Kirtipur-17  
ph: 01-4333605, 4332057, 9851139402

\*T&C Apply